

《教觀綱宗》補充講表

◎附表五：以下糅合諦閑大師《教觀綱宗語錄》、靜修法師《教觀綱宗科釋》

○《法華玄義》云：夫五味半滿，論別，別有齊限；論通，通於初後。

◆乳、酪、生酥、熟酥、醍醐為五味，乃譬喻佛陀說教的次第也，出《涅槃經》。

※《教觀綱宗語錄》云：「取五味譬說法，有二義：一、相生次第義。二、濃淡逗機義。

乳味太濃，不投小機。酪味少淡，恰合乳兒。酪轉生酥，嬰兒漸大，即濃無妨，

正喻堪任彈訶。生酥轉熟，如漸成人，堪付家業，喻其轉教。熟酥轉醍醐，子已

長成，即告眾言：此是我子，我實其父，付其家業。喻法華開顯，授記作佛也。」

※《大般涅槃經》卷十四·聖行品云：「譬如從牛出乳，從乳出酪，從酪出生酥，從生酥出

熟酥，從熟酥出醍醐。醍醐最上，若有服者眾病皆除，所有諸藥悉入其中。善男子！佛

亦如是，從佛出生十二部經，從十二部經出修多羅，從修多羅出方等經，從方等經出般

若波羅蜜，從般若波羅蜜出大涅槃，猶如醍醐，言醍醐者，喻於佛性，佛性者即是如來。」

◆寓目：過目；觀看。

○先明通五時者。自有一類大機，即於此土見華藏界，舍那身土，常住不滅。

宿值深厚，今感大化，故云：大機。此輩始終聞大，故云：自有一類。乃界外一類大乘之機宜也。即別圓二種人。

○復有一類小機，始從鹿苑終至鶴林，唯聞阿含、毘尼、對法，則三藏通於前後明矣。

◆宿根微薄，不感大化，以始終聞小，故云：一類小機。鹿苑者，古王養鹿之所，亦如來宿世垂化之地。群鹿所居，故曰：鹿苑。如來成道後，度五比丘，三轉法輪於此。小化之初，故云：始也。鶴林：如來入滅處也。阿含為經藏。毘尼是梵語，此翻為律，是律藏。梵語阿毘曇，此云：對法是論藏。此輩從始至終，但聞小乘三藏而已。

○開迹顯本：本：佛陀久遠劫已成就的法身佛。迹：示現八相成道之應化身佛。

○八相之中，各具八相，不可思議。

◆各具八相者，紀云：小乘始終八相，大乘相相八相。然大亦法界，小亦法界。無緣大慈，雙垂兩相，不可思議。如《華嚴經》云：「菩薩住母胎已，示現出家、成道等相。」

◆兩相：謂千丈圓滿報身，與丈六老比丘相。雙垂：即二始同時，不動寂場而游鹿苑也。